



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Fasti Mariani**

**Brunner, Andreas  
Pfeffer, Wilhelm**

**Antverpiæ, 1663**

S. Afra Martyr. 5. Augusti.

**urn:nbn:de:hbz:466:1-41940**

Quam neque naso dedit Metamorphosin, nos damus ex Venere Diana, A F R A M inquam Augustæ Vindelicorum probrum primò, pōst unicum decus. Magdalim dices alteram, nisi quos hac lacrymis, illa ignibus etiam ignes plesteret. Diis devota omnem jam pudorem malè prodigalitaverat, cùm Narcissus Præsul fidem Christianam exul circumferens testis impuris successit. Hic A F R A, dum prædam captat, precabundi primò ad mensam modestiā, dehinc verborum de Deo, quibus cibos identidem condiebat, suavitate illecta ipsa capit; simul amoribus nuntium mittit, simul Christo totam se dedit, exemploque suo mox matrem Hilariam & scelerum nuper socias tres ancillulas trahit. Tantum odor castus unius Narcissi potuit! Doluit sanè hoc nequam genio, qui propalam visendus multis questus est animam olim suam A F R A M sibi extorqueri. Hæc interea opes malè partas benè inter pauperes dividens, vitamque veterem castissimis coloribus emendans, jubetur à prætore Cajo, missò Christo, ad Veneris sacra redire, Vulcano, ni pareat, sacrificanda. Maluit hujus quam illius ignes ferre. Itaque palo alligata cùm è pyrâ ardente funnos dæ-

H h 5

mo-

492 VITÆ SANCTORUM. 6. Aug.  
monis æstusque Capidinis risisset flammæ inter cælo se intulit, quò mox mater etiam & ternæ famulæ, quòd Lacrymas rogo & tumulo Afræ affudissent, alio ex rogo evolarunt. Ipsa Venus puto mirabatur ad tot ignes frigere sese. Ex Surio.

Dum carnalis vita corrigitur, & usque ad abstinentiæ atque orationis studium pervenitur, quasi jam in altari caro incenditur, ut inde in omnipotentis DEI sacrificium redoleat. S. Greg. in Moralib.

SS. JUSTUS & PASTOR MM.  
6. Augusti.

IUSTUM & PASTOREM germanos fratres: duo sidera, Castorem & Pollicem dicerem, nisi feliciori sorte unà uterque è cælo adolescentiæ prælucere. Involverat velut turbo omnem Hispaniam furor. Daciani, & Complutum jam pervenerat; cùm hi pueruli, abjectis ultrò tabellis, è ludo literario in campum prodire properarunt, factis ostensuri, quantum in Christianâ Philosophiâ profecissent. Dixisses ad gremium matris currere, itu ad carnificum manipulos parili cursu contendebant. Dacianus ubi hæc inaudiit, virgis cædi imperavit. Sed illi ad imbellem scholæ metum ridere scilicet; supplicia hæc timidae ætatis dicere, quæ sæpè nec pueris lacrymas excuterent. Alia itaque tormenta